



Saingonon Ekkesiwin non: July, 24, 2020

Phase Ew Eureuren Suksefanin Kafie, Bar, Nenien Sakaw, Brewpubs, Imwen Wine, Rumwen Neni Sakaw me For Sakaw.

Pochokunen Nemenem: Otutun Nampa. 20-27, ORS 433.441, ORS 433.443, ORS 431A.010

Ponuwentan: Ei eureur fan iten kafie, bar, nenien sakaw, brewpubs, imwen wine, rumwen neni sakaw me for sakaw me non phase non ekkewe county.

Angangen Apochokuna: Ngeni an epwe tufich ei ourour mei menei an epwe nomw fan nurun pwan ekkoch sokkun onnuk, an epwe tufich wor pochokunan usun mei affat non ewe Otutun 20-27, teten 26.

Towaw fesen me Chochon:

Nenien sopai repwe:

- Nengeni sefani me anganga [Unusen Eureur ren Nenien Angang](#).
- Eukuku ukukun chochon aramas non ew neni ngeni 100 aramas repwe nomw non ika 250 aramas repwe nomw nukun, esapw nap seni 250 chon nomw non me nukun; ika ewe ukukun aramas, mei pachenong chon angang, anongonong won ukukun aramas repwe tongeni nomw non ewe neni (square fit/chochon), ika ifan koukun an epwe chokukun.
- Fori pwe ekkewe chepen epwe ukukun onuw (6) fit towawen nefiner pwe epwe tongeni pwonueta ewe ukukun onuw (6) fit nefinen fitu kinikinin mwicheich, pwan pachenong nupwen ekkewe customer repwe no ngeni ika no seni ekkewe chepen.
 - Ekkewe nenien sopai repwe fori tetenin nenien mot non ewe neni epwe tongeni fiti ngeni ewe ururun koukun towawen nefinen emon me emon.
 - Omwokutu ika euku nenien momot fan iten ponuwetan ewe onuw (6) fit towawen nefien aramas esapw ir chon ew mwicheich.
 - Ika pwe ekkewe nenien momot ir mei back-to-back, iwe epwe ew ekkewe nenien mot epwe tongeni an epwe masow ew esapw masow.
- Euku chochon ew mwicheich ngeni 10 aramas ika fen kukun seni. Kosapw ochufengeni chon mwicheich/chon chuuto ika pwe rese finata pwe ir mei mochen repwe chok chufengen. Aramas ir seni ew mwicheich repwe mot ren ew chok chepen resapw pwan onuw (6) fit towawen nefiner.

- Ika pwe ew nenien sopai ese tongeni epwe aponuweta ewe onuw (6) fit towawen nefinen aramas, me nukun chok chufengen non mochomochen fansoun (awewe ren, atourano mongo ngeni chepen), iwe epwe chok fori angangen eto pick up/to go. Ei ngeni ir me ruw ekkewe nenien momot non me nukun.

Chon angang:

Nenien sopai repwe:

- Eukuku an nour chon angang repwe angengeni mongo won ekkewe chuun mongo nge pour ese poupou.
- Apochokuna pwe tonuechu paw (iteitan me pungun totonun paw) mi fokkun namot ngeni meinisin chon angang, pachenong ekkewe chef, kuk, me chon wisen sapis mongo.
- Fori pwe chon angang repwe poupou glove nupwen repwe fori angangen nimenim, enimenima, ika nimetano paikin won mettoch. Kose mochen makketiw pwe ren met angang esapw angangen enimenim, ew neni ese wor noun licence meren ewe Oregon Department of Agriculture (ODA) ese pwan menei ar repwe poupou glove. Poupou glove ren angang mei fiti angangen mongo mei tongeni pwe epwe angawano ekkewe mongo. Ika pwe ew nenien sopai a finata pwe noun chon angang repwe poupou glove, iwe repwe awora ekkewe non-latex glove me ekkewe chon angang repwe fori an esapw wor ar repwe angawano ekkewe mongo ren ar repwe ekkesiwini pour kewe glove me murin ar atapeta won meser ika fen pwan ar siwini met re ani angang (awewe ren, amonata mongo murin chok ra wau kapich nukun). [Katon ewe Food Code Fact Sheet #1-Eukuku Angang won Pau ese Poupou.](#)
- Nengeni sefani me anganga [Kapasen Ourour fan iten Pwonupwonun Aaw me Pwot, Eppetin Maas me Pwonupwonun Maas non unusen ei State.](#)

Pwan sopwosopwun met mei auchea ekkewe neni mei license meren ODA repwe fori:

- Esapw mumuta ngeni nour chon angang repwe angengeni mongo won pour nge rese poupou usun met mei nomw non nour we taropwen license.

Angangan:

Nenien sopai repwe:

- Fiti ngeni met mei nomw non ewe taropwen ourour, me pwan metekewe sokkun repwe fori me pwan sokkun onnukun ar angang ren met ururun angang repwe fori.
- Ekkewe nenien mongo me un pwan pachenong nenien un sakaw repwe kesipeno me kunok 10 nepwin.
 - Ew nenien sopai non ekkewe kukun sopw ra suk non ei Ewin Kinikin Suksefan epwe kesip kunok 10 nepwin. Epwe pwan suksefan sorotan non we kunokun ururun epwe suk non, nge sapw mwtir seni kunok 4 nesosor. Ren ew nenien sopai mei suk non 24 awa ew ran, resapw suk me mwen kunok 4 nesosor pwokiten repwe fori angangen enimenimen non ewe nenien mongo an epwe fiti met masowen an OHA Kapasen Ourour.

- Esapw wor self-service ngeni kastomer, pachenong ekkewe buffet, nenien salad bar, ekkewe mwesinen soda me pwan ekkewe nenien omw kopwe anonouw unumom minen uun ian.
- Enimenima ekkewe metoch mei fis pwe kastomer rekan soun attapa me ren ekkewe chepenin mongo iteiten murin an kastomer/chon eto mongo aea, pachenong ekkewe sea, chepen, menu, ekkewe kukun nenien son me suke won chepen, me pwan ekkoch metoch ir mei tongeni ar repwe attapa.
- Awora ekkewe kukun nenien son me pepper, ketchup, hot sauce me suke, non tukutuk repwe tongeni chok aea fan ew. Ika pwe esapw tongeni tufich ena, iwe ekkewe kukun nenien masowen won chepen resapw totiwon chepen me mwen an epwe wor chon aea iwe epwe pwan enimenim iteiten nefinen an kastomer ika chon eto mongo aea. Angangen enimenimen monun nimengaw epwe fis non nikinikin an esapw angawano ekkewe mongo. Awewe, esapw wor aea ekkewe minen enimenim spray won ekkan nenien son sikan wichikichiki.
- Esapw nomw won chepen met pisekin mongo me mwen an epwe wor chon aea (napkin, fok me sipun, kapekinas).
- Esapw mumuta momot ren counter me ren bar me nukun chok ika ewe counter mei sapengeni ewe asamwacho ika etiiip me epwe tongeni ukukun onuw (6) fit towawen nefinen chon ew mwicheich ngeni pwan ekkoch. Ei epwe ngeni ekkewe neni meinisin pachenong ekkewe bar, nenien forun sakaw me pwan ekkewe rumwen neni ekkewe sakaw me wine mei for. Ika pwe ekkewe neni re kuna pwe an kastomer repwe order me ren ekkewe counter me bar epwe ekisano an chon angang resapw mecheres ne torir menuun ewe samwaauiwe mei mumuta. Ika pwe repwe order me ren counter iwe chon angang repwe atoura ener kewe mongo me unumer sakaw ngeni ar kewe chepen pun epwe tongeni ponueta ewe angangen atowawa nefinen aramas non ukukun onuw (6) fit ren nefinen kastomer me chon angang nupwen fansoun repwe wanong ar order.
- Fori pwe ekkewe kastomer/chon ew mwicheich epwe ukukun onuw (6) fit towawfesenin nefiner nupwen repwe wanong ar order.
 - Epwe wor sain epwe pacheta pwe ekkewe kastomer repwe kuna me fori metekewe kapasen ourour mei menei pwe repwe fori.
 - Esisina won ekkewe simen ian emon me emon kastomer repwe uta ian nupwen repwe utiwit non nain.
- Fansoun meinisin enimenima ekkewe nenien an kastomer nonomw me ian rekan attapeta ian, pachenong ekkewe mwesinen kamotiw.
- Nounou menu epwe chok nounoun fan ew chok, epwe tongeni ar repwe enimenima (laminated), online, ika fen makketa won ekkewe nenien mak mei pwechepwech ika met epwe tongeni ar repwe kuna mak won pwe an esapw wor an chommong repwe attapa.
- Esapw mwumuta nounou karaoke, tamachki, me bowling.
- Ren ekkewe nenien etiki rekoto sikan etikanong foun moni non, epwe chok nonopok ne fiti met ekkewe Video Lottery Terminal ir mei fori mei affat me fan.

Ngeni ukukun an epwe tufich, ekkewe nenien sopai repwe, nge ese pwan menei pwe repwe fori:

- Awora ion epwe wisen etiwanong ika fori angangen fetanin kastomer ren an epwe tongeni pwonueta ewe koukun towawen nefinen aramas nupwen fansoun ar utiwit non nain, fansoun order, me nupwen fansoun ar tonong ika tou seni ewe neni. Kosapw epeti nenien tou fansoun kar.
- Eukuku fitemon chon angang repwe wisen fori angangen aninis ngeni chon ew mwicheich. Anomwu non kokkot pwe emon chon angang epwe anisi chon ew mwicheich epwe chok inaii tori fansoun wesinon kaworen aninis ngenir (sapis, nimetano met sepi mei nimengaw seni ewe chepen, kamotiw). Emon chon angang mei tongeni anisi fitu mwicheich nge epwe fokkun tonuechu poun ika aea sanitizer (epwe wor 60-95% arukor non) iteiten nefinen an anisi fituw mwicheich.
- Awora chon angang epwe wisen nenengeni fetanin kastomer me non ekkewe neni ir mei soun no ngeni ian ren imwen ngaseno pun esapw wor ar repwe iechufengen non ew neni.
- Pessei ngeni kastomer ar repwe awesi ne kokonong me mwen ewe fansoun ar repwe eto ngeni ewe neni pwe epwe fat ar repwe enenia ngenir nenier/fitemon chochon. Awora ew anen kokonong won fon epwe tongeni anisi ngeni aramas ar repwe utiwit non nain nefon war kewe chitosa me repwe tongeni tonong nupwen awor koko ngenir ika text ika nupwen noun ewe nenien mongo iwe "mwesinen esinesin" epwe nech an epwe affata ngenir pwe a wor chepen a monneta.
- Ekieki ne awora nenien totonun paw fan iten kastomer ar repwe tonu pour ren non me arun ewe nenien sopai. Mi och aea hand sanitizer ngeni paw mei nimenimoch; ekkewe nenien sopai repwe awora hand sanitizer (epwe wor 60-95% arukor non) ngeni ekkewe kastomer. Hand sanitizer esapw ekkesiwini totonun paw ngeni chon angang.
- Pacheta sain epwe fat (mei nomw won ewe healthoregon.org/coronavirus) tetenin ekkewe esisinen COVID-19, tingor ngeni chon angang me kastomer ion mei wor rer ekkewe esisinen ewe samwau ar repwe nom neimw, me aiti ngenir io repwe kori pwe epwe anisir.

Angangen ekkewe Video Lottery Terminals (VLT):

Nenien sopai repwe:

- Enenia ekkewe VLT ar repwe ukukun onuw (6) fit towawfesenin nefiner, ika pwe mei tongeni ar repwe enenier non ena koukun. Ika pwe esapw tongeni wor ukukun onuw (6) fit towawen nefinen ekkewe mwesinen VLT, ewe Oregon Lottery epwe offei ekkewe VLT ren an epwe tongeni wor ewe koukun towawen nefinen ekkewe mwesin me chon urumwot won.
- Fori pwe chon repwe nounou ekkewe VLT repwe angei mumutan meren chon angang; ewe chon angang epwe akkoum enimenima ewe mwesin me mwen epwe mumuta an emon epwe nounou. Ewe nenien sopai esapw mutata an emon epwe nounou ekkewe VLT ika ekkesiwini noun VLT ika pwe ese akkoum angei mumutan meren ewe chon angangen ewe neni.
- Ekieki pwe emon chon nounou ekkewe mwesinen VLT mi nonongeni chok emon kastomer mei mommot orun ew chepen ren an emon epwe anisi.
- Eukuku epwe chok emon chon nounou ika nomw orun ewe VLT.

- Chechemeni: Ewe Oregon Lottery esapw tongeni onnei sefani ekkewe mwesinen VLT tori an epwe menemenoch pwe ewe neni a fori metekewe ururun mei auchea epwe fori.
- Nengeni sefani me anganga [Unusen Eureur ren Nenien Angang](#).

Pwan Ekkoch Nongonong:

- [Ekewe sain ka tongeni pacheta](#)
- [Kapasen Ourour fan iten Pwonupwonun Aaw me Pwot, Eppetin Maas, Pwonupwonun Maas non Unusen ei State](#)
- [An OHA Kapasen Pesepes me Eureur faniten Meinsin Aramas](#)
- [An OHA Kapasen Ourour Ngeni ekkewe Nenien Angang](#)
- [Food Code Fact Sheet #1-Eukuku angang won Paw ese Poupou](#)

Tourechun Taropwe: Ren ekkewe aramas mi wor osupwangen an inisir tongeni ika aramas rese sinei fosun Merika, OHA mi tongeni awora taropwe non ew sokkun nikinik ar repwe weweiti, aweve ren fosun ekis, epwe mesemong ekkewe mak, ika nikinikin noun mi chuun. Kokkori Mavel Morales won nampa 1-844-882-7889, 711 TTY ika mak ngeni won

[**OHA.ADAModifications@dhsoha.state.or.us**](mailto:OHA.ADAModifications@dhsoha.state.or.us).